

衛輝府志卷之十四

人物志中

隱逸

荷蕢衛人避亂不仕自匿姓名孔子擊磬於衛時荷蕢過其門聞其聲而譏之見論語

五丈夫俱衛人負釜入井灌韭終日一區鄧析過下車為教之曰為機重其後輕其前命曰橋終日灌韭百區不倦五丈夫曰吾師言有機智之巧必有機智之敗我非不知也不欲為也子其往矣我一心灌之

衛輝府志

卷十四

一

三百三

不知改已鄧析去行數十里色不懌弟子曰是何人也而恨我君鄧析曰是所謂真人者也可令守國

向長

高士傳向作尚

字子平朝歌人隱居不仕性尚中和好

通老易貧無資食好事者更饋焉受之取足而反其餘王莽大司空王邑辟之連年乃至欲薦之於莽固辭乃止潛隱於家讀易至損卦喟然嘆曰吾已知富不如貧貴不如賤但未知死何如生耳建武中男女

娶嫁既畢勅斷家事勿相關於是遂肆意與同好壯海禽慶俱遊五嶽名山竟不知所終

宋文公詩翻然遠嶽恣遊行慨

想當年向子平我亦近來  
知損益只將懸室度餘生

張忠字子宣其先獲嘉人後遷於輝隱德不仕敬順  
父母茶以奉姊嘗戒子曰吾知自吾上三世未嘗對  
吏爾曹或仕或隱毋輕犯法年八十三卒以子思明  
貴贈中順大夫上騎都尉追封清河伯  
孫之傑輝州人爲人踈曠不事生業讀書好古博涉  
羣籍而尤耽玩騷雅當元之季不樂仕進居貧以吟  
咏自娛徜徉林壑終其身

衛輝府志

卷十四

二

孝義

隋徐孝肅汲郡人早孤不識父及長問父形貌於母  
因求畫工圖其形構廟而定省焉朔望則享之事母  
數十年家人未嘗見有忿恚之色母終茹蔬飲水盛  
冬單衰毀瘠骨立廬於墓側四十餘年弟備德卒其  
子處默亦廬於墓稱世孝焉

華秋汲郡人幼喪父事母以孝聞家貧傭賃養母母  
病秋容貌毀悴髮髮頓改母卒絕櫛沐髮盡脫落廬  
於墓側負土成墳人欲助之者輒拜而止之大業初

調狐皮有司大獵見有兔奔入秋廬馴擾左右久而  
不去郡縣以狀聞詔遣使勞問旌其門後羣盜起往  
來廬之左右咸相戒曰勿犯孝子鄉里賴秋全者甚  
衆

唐張珪衛州人七世同居詔賜旌表

金陳顏汲縣人父光爲壽陽尉未赴值金兵取汴光  
病圍城中顏開關渡河往省其父因扶疾壯歸光家  
奴誣告光黨賊殺人光繫獄不勝拷訊因自誣服顏  
詣郡請代父死郡守哀之不敢決適帥臣至郡守以  
衛輝府志 卷十四 三 二百八十八

其狀白帥曰此真孝子也遂併釋之太宗天會七年  
詔旌表

元張聚新鄉人事母至孝天曆間母卒廬於墓側又  
以和忍傳家七世同居有司以聞旌表

劉淇汲縣人以篤孝聞詔旌其門

徐昌祖汲縣人以廬墓聞詔旌其門

耿昌獲嘉人家貧竭力養親父沒廬墓三年有司以  
聞旌表

李全獲嘉人王節婦之子年十歲喪父家貧躬耕以

養母者四十年一日母疾藥不可療全籲天祈以身代割股作羹以啗母母尋愈後母卒全廬墓三年總管奏聞旌表

秦十一輝州人早孤養母劉氏元末兵至母目失明十一負母携妻子避兵於山時子方三歲母得食嘗哺之十一謀於妻曰今兵荒飲食母餐不飽莫若棄其兒幸得母全兒不足惜妻從之遂棄兒負母避處險阻採食爲養事定乃歸

王慶新鄉人幼孤事母克孝母病慶禱於神願以身

衛輝府志

卷十四

四

二百九十九

代母愈朝夕奉甘旨二十餘年不怠有司以聞詔蠲其家

舊明敬軻胙城人洪武中由人材任南京衛經歷累從征有功以祖母尚在乞終養詔許之仍給田二頃以贍其家

岳維祺輝縣人洪武二十四年父病維祺日侍湯藥每夜祝天願捐已年以益父壽後父卒廬墓三年鄉人稱孝

張琛汲縣人母歿廬墓三年有白兔馴遶墓側人皆

以爲孝感天順三年有司以上聞旌表

徐寧汲縣人郡庠生母沒廬墓三年成化十年有司以上聞旌表

閻禎胙城人母沒結廬墓側有狐兔馴遶左右人稱爲孝感

王明同胙城人親歿廬墓三年鄉人以孝稱

王興新鄉人父沒母秦氏年十九遺腹生興秦氏守節撫興成立年八十二卒興葬之盡禮廬墓三年有青蛇盤旋墓側又有羣鵲來集人皆以爲孝感事上

衛輝府志

卷十四

五

二百七十五

聞旌表

郭瑄新鄉人太學生事親盡孝母病篤積顛天割股以進母病遂愈任漢中衛經歷有平盜功歲饑捐俸救民全活甚衆其後子孫奕世繼美鄉人以爲積德所遺

常森輝縣人事親至孝成化十八年母病森割股奉母病卽愈弘治三年父病又割股奉之父病又愈其孝感屢如此

張士儒獲嘉人邑庠生父沒廬墓三年母沒復如之

事親以孝稱

張通輝縣人母病禱於神願以身代遂割股奉母病果愈鄉人稱其孝

張永安淇縣人邑庠生事親以孝聞母沒廬墓三年有司以上聞旌表

魏達任知事淇縣人性篤孝父敬任通判卒廬墓三年有狐兔馴遶左右母張氏後卒達又廬墓四年有烏鵲赤蛇之異鄉人以爲孝感弘治十六年應詔以聞壽至九十九歲

衛輝府志

卷十四

六

二百七十五

劉瓚新鄉人正德中任新泰知縣值流寇攻城瓚設機備禦賊遂引去境賴以寧母卒廬墓三年服闋不復仕

張登元貢生新鄉人母歿廬墓三年嘉靖四十年有司以聞旌表後登元卒其子光亦廬墓三年人稱世孝

崔淮輝縣人事親至孝親亡孀母無嗣事如親母終以禮殯兄病割股啖之病果愈鄉人以孝友稱

吳奇輝縣人母疾奇祝天損年益母割其臂肉以爲

饌其母夢一老人謂曰汝啖匾食十枚可得壽十年  
覺而畢之後如其言已而父病又割肉以進病亦愈  
有司旌其明

王慶衛人母嘗有疾慶割股啖之母尋愈嘉靖中有  
司旌其門

蘇澤衛人天性仁厚嗜義樂施嘗捐貲修橋以利行  
者見有鸚鵡禽鳥生活者買而縱之後子孫榮顯人以  
爲積德之報

張麒衛人天性孝友母有疾嘗禱於神願減年以增  
母壽母疾尋愈人有親喪不能葬者以財周之有稱  
貧不能償者焚其券子守乾舉進士人以爲積善之  
報

衛輝府志

卷十四

七

三百六十一

張貴胙城人正統五年歲饑出米麥一千餘石以助  
賑事聞賜特勅褒獎

汪仲成獲嘉人正統五年歲饑輸麥一千餘石助賑  
有司以聞賜特勅嘉獎

何亮胙城人成化三年歲饑亮出糧米若干石以備  
賑有司以聞賜特勅旌獎

張景昨城人正德己巳歲饑捐米煮粥全活甚衆又置義學義井義塚鄉人德之曾孫友亦輸粟賑饑有司表其門

寧中淇縣人嘗捐貲修儒學櫺星門城隍廟及橋道人有婚喪不能舉者以財助之歲歉發粟賑饑巡撫義其事著名旌善亭與鄉飲焉

李深淇縣人家置恤孤房一區凡貧無所資者煮粥以活之又置義塚六畝凡死無所歸者給棺以葬之事上聞旌表

衛輝府志

卷十四

八

馮文振庠生淇縣人質直重義人有以青苗地若干畝質錢者及熟計所獲倍之卽還其券嘗道拾遺衣一暴控馬候失者全還之年饑出粟賑貧多所全活趙希尹胙城人曾遊邑庠恂雅好義歲荒宗旌里隣多所全活課子業儒六子數孫俱為博士弟子員廩餼膠庠有司旌獎請鄉飲授壽官

劉志海十戶所人年踰八十為善不倦積二子廩貲糴粟濟貧施棺贈葬親旌鄉黨咸受其惠有司重德扁明旌獎奉例特恩賜壽官



姬登龍汲縣人邑庠生事親以孝稱父有疾曉夜誦經籲天祈以身代父終哀慟茹素苦臥柩傍者歷七年所柩畔生瑞芝一株人以爲孝感所致遺繼母孀居事之如生母繼母病妻宋氏爲之割股調羹母病尋愈刑于之化至此尤人所難母終泣血幾傷極力營葬與父合葬啓廣有雙角金蛇蟠父柩上術士以爲孝感靈異後人必昌年近古稀每與親友談及父母輒泫然淚下慟不自禁見者無不酸鼻真所謂大孝終身慕父母乎

梁景方新鄉垂髮即以孝謹聞閉家有法邑侯每就諮詢弘治間詔賜官爵及卒有花蛇東白兔馴坐側群鴉來集揮不能去人謂德感

尚忠新鄉性敦朴孝友遺產盡讓二弟有疫死不能坐者荷鍤隨所見瘞埋之萬曆拾年詔給粟帛表其門

梁移粟母疾篤籲天割股愈之敬事繼母兄長雖撻罵無怨言萬曆間有司以聞給粟帛表其門

張登新鄉宋時有石佛浮水而下至登村而止登因

卜居焉人僉曰宋佛張氏登潛德好施里閭有事咸  
取平焉和宗族周貧乏修明倫堂創建齋房以課諸  
子張氏之以耕讀訓教自登始也

張士德新鄉質性敦朴與第士利友愛同居四世有  
公藝之風鄉里以德稱之

梁大綸新鄉慕義樂施里有圯廟圯橋輒施金鼎新  
問人高其詎呼爲善友而不名云

梁海字德源新鄉篤學潛修樂善好施嘗創輿梁  
利涉邑民賴之著有教言萬曆間勅晉徵仕郎

衛輝府志

卷十四

十一

劉國王新鄉司馬社人幼失父母家業盡廢力學不  
倦及入膠庠見邑東南一隅民侗俗陋遂同義民孟  
六觀開義學教鐸一方不取束修貧者授以餐而從  
學者衆其子劉源索等四人以文學著

王仲立新鄉陳堡社人幼失父母至孝遇荒給散牛  
種里人感其惠聞于督學曹公授冠帶教子好修自  
修科貢聯翩云

任道重新鄉少好學幼孤依母母沒哀毀骨立三年  
如一日常引于路南遊故事泣示二子文朗文燁皆



列女

周衛宣夫人齊侯女嫁於衛至城門而衛君死保母  
曰可以還矣女不聽遂入持三年之喪畢弟立請曰  
衛小國也不容二庖請願同庖終不聽衛君愬於齊  
齊使人告女女亦不聽乃賦我心匪石之詩以自誓  
莊姜齊東宮得臣之妹衛莊公之夫人美而無子公  
又娶於陳戴嬀生桓公莊姜以爲已子嬖人生州吁  
莊姜愛衰乃作綠衣詩以自解莊公卒州吁弑桓公  
戴嬀歸於陳莊姜作燕燕之詩送之

衛輝府志

卷十四

三十一

共姜齊侯女衛世子共伯妻共伯早卒父母欲嫁之  
共姜不從作柏舟之詩以自誓

定姜衛定公夫人定公惡孫林父林父奔晉晉侯使  
卻犖爲請還定公欲辭定姜曰不可是先君宗卿之  
嗣也大國又以爲請而弗許將亡定公遂復之君子  
謂定姜能遠患難定公卒立敬姒之子衎是爲獻公  
暴虐慢侮定姜卒見逐走出亡至境使祝宗告亡且  
告無罪於廟定姜曰不可且公之行舍大臣而與小  
臣謀一罪也先君有冢卿以爲師保而蔑之二罪也

余以中櫛事先君而暴妾使余也告亡而巳  
告無罪其後獻公復得及國君子謂定姜能以辭教  
鄭皇耳帥師侵衛孫文子卜追之獻兆於定姜曰兆  
如山林有夫出征而喪其雄定姜曰征者喪雄禦寇  
之利也大夫圖之衛人追之獲皇耳於大丘君子謂  
定姜達於事情

衛宗二順衛宗室靈王之夫人而及其傅妾也秦滅  
衛乃封靈王使奉其祀靈王死夫人無子而傅妾有  
子傅妾事夫人甚謹久之欲出居外傅妾泣而對曰

衛輝府志

卷七

十三

三百四十一

夫人欲使靈氏受三不祥耶不幸早終是一不祥也  
夫人無子而婢妾有子是二不祥也夫人欲出居外  
使婢子居內是三不祥也妾豈敢以少貴之故變妾  
之節哉夫人不許傅妾退謂其子曰夫人將欲居外  
使我居內此逆也處逆而生豈若守順而死哉遂欲  
自殺其子泣而守之夫人聞之懼遂許之傅妾供養  
不衰故人謂之二順云

齊衛姬衛侯女齊桓公夫人也桓公好淫樂姬不聽  
鄭衛之音桓公用管仲甯戚行霸道諸侯皆朝而衛

獨不至桓公與管仲謀伐衛罷朝入閨衛姬下堂請  
衛之罪桓公曰吾與衛無故姬何請衛姬曰人君有  
三色其忿然充滿手足矜動者攻伐之色也今妾望  
君舉趾高色厲音揚意在衛也是以請之桓公許諾  
明日臨朝管仲趨進曰君之蒞朝也恭而言則徐  
無伐國之志是釋衛也桓公曰善乃立衛姬爲夫人  
號管仲爲仲父曰夫人治內管仲治外寡人雖愚足  
以立於世矣君子謂衛姬賢而有行

許衛姬許穆公夫人衛宣姜之女文公燬之姊也  
衛輝府志 卷十四 十四

有狄難文公避處漕邑夫人思往唁之以義不可  
止乃作載馳詩以見志

黎衛姬黎莊公之夫人衛侯之女也旣往而甚不  
意其傳母憐其失意謂夫人曰夫婦之道有義則  
無義則去今不得意胡不去乎夫人曰婦人之道  
而已矣彼雖不吾以吾何可以離於婦道乎終執  
一不違婦道以俟君命

唐夏侯氏名碎金劉寂妻胙城人父長雲爲鹽城  
丞因疾喪明無子碎金乃求離其夫以侍養經十五

年父卒被髮徒跣負土成墳廬於墓側貞觀中有制表其門賜以粟帛

元時氏廬敬妻輝縣人年二十四敬亡守節撫孤時祖姑年八十餘奉養不怠至大三年旌表

趙氏陳克敬妻輝縣人年少夫亡誓不再醮至正十五年旌表

王氏李聚妻獲嘉人孝子全之母年二十四夫亡守節拾穗紡績以撫孤子總管以聞旌表

舊明田氏張林妻汲縣人年二十七夫亡守節紡績衛輝府志 卷十四 十五

教子洪武十七年蒙旌表

郭氏閻友能妻胙城人年二十二夫亡無子舅姑欲改適之郭誓死不從家貧紡績以奉舅姑守節三十三年正統初蒙旌表

李氏校琪妻輝縣人景泰二年琪故李年二十五子方月餘守節十八年卒

劉氏靳大妻汲縣人年少夫亡矢志不更景泰中蒙旌表

朱氏羅琬妻新鄉人年十九夫亡守節五十餘年撫

子成立

清貢任朝邑縣丞

事上聞旌表

王氏郭文妻獲嘉人文早卒王守節三十餘年天順中蒙旌表

丁氏王林妻獲嘉人夫卒誓不更適撫成立

長子準中

天順壬午鄉試年近八旬卒

石氏李良妻輝縣人年二十六夫亡守節

張氏王澤妻輝縣人澤任慶雲縣主簿卒於官張年

二十七子幼無倚千里扶柩歸葬守節八十一年

吳氏齊秀妻輝縣人年二十一夫亡歛畢即自縊遠

衛輝府志

卷十四

十六

一百零九

近惜之

朱氏劉瑾妻新鄉人年二十二夫亡生其子曰棺宜

寬大匠從之棺成遂自經死同棺而葬焉有司以上

聞旌表

馮氏李海妻新鄉人年二十二夫亡守節子光翰方

二歲撫育登第弘治間蒙旌表

徐氏進士馮世昌妻獲嘉人夫亡守節五十餘年有

司以上聞旌表

丁氏劉鄰妻輝縣人年二十九夫亡守節弘治中有



詞褒獎

孔氏袁濬妻輝縣人年二十夫亡無子葬夫竟自盡  
正德初蒙旌表

張小春張善女胙城人正德六年薊賊攻陷縣城為  
賊所執欲犯之不從逼之以刃遂厲罵賊怒支解之  
七日面色如生

郭氏生員張嵩妻輝縣人嵩蚤卒無子郭貧居竭力  
養舅姑守節三十六年

呂氏張嶽妻輝縣人年二十七夫亡守節卒年八十  
衛輝府志

卷十四

十七

牛氏李慶妻汲縣人年少夫歿無子守節嘉靖十年  
旌表

趙氏李聰妻淇縣人夫亡守節四十餘年嘉靖十年  
旌表

邢氏御史劉希龍妻汲縣人年二十四夫亡守節年  
七十四卒嘉靖三十七年蒙旌表

原氏御史馬龍妻胙城人郎中原潔之女夫亡守節  
年七十九卒子汝揚尚明汝府靈壽郡王嘉靖間有

司旌門

李氏趙炳妻汲縣人年十七夫亡遺腹一子撫養成爲娶婦生一孫無何其子又蚤亡婦與孫亦相繼歿歿艱苦百狀孳居守節五十餘年

聶氏周鵬妻胙城人年二十夫亡守節六十餘年而卒隆慶間有司旌門

張氏牛雄妻新鄉人年二十餘夫亡守節卒年八十有司以上聞旌表

李氏生員朱軒妻新鄉人年二十歲夫亡守節四十餘年有司以上聞旌表

衛輝府志 卷十四

十八

王氏張汝桂妻新鄉人夫亡自縊極側有司以上聞旌表  
李氏郭天錫妻新鄉給諫李光翰女也光翰嘗有疾幾殆李氏割股啖之疾隨愈鄉閭以孝稱

王氏安佑妻淇縣人年二十夫亡守節歷六十年  
秦氏王琨妻淇縣人年二十夫亡無子守節娶居四十餘年

張氏監生蘇錦妻輝縣人年二十九夫亡守節

李氏孟忠妻輝縣人年十九夫亡守節年踰六十卒

蔡氏連廷魁妻輝縣人夫家素貧蔡勤女工以助其  
乏夫病百方救禱及卒自縊死

趙氏汲縣人輝縣監生吳思敬之妾主婦不能容使  
之別適趙號泣歸宗聞翁喪仍爲之持服復懇親戚  
通其意願執箕箒以斃於吳後不納其父乃訟於官  
斷令改適趙夜於母家自縊聞者傷之

馬氏何汝涵妻輝縣人年十九夫亡守節

張氏夏文明妻輝縣人年二十餘夫亡守節

趙氏生員祁才妻汲縣人年二十二夫亡守節

衛輝府志

卷十四

十九

十一  
三頁三丈

張氏蘇時霽朝宗子聘室汲縣人年十一父母俱亡無

所倚遂養於蘇未配而時霽卒張氏哀毀持禮無貳

志親族憐其幼諷使更適遂以死自誓感憤不食卒

趙氏汲縣人女父嘗受田付之聘以女許焉先是田

付之伯無子以付爲後聘趙之禮蓋伯所辦也旣而

伯有子遂逐付而并索原聘於趙女父更爲改適以

還其聘趙聞而拒之度不可乃自縊死事上聞旌表

鄭氏舉人溫沛然妻汲縣人夫亡守節

溫氏生員何其介妻汲縣人年二十五夫亡守節

張氏生員王之紀妻汲縣人大學生張傑女年二十

五歲夫亡守節撫孤成名次子國寧中庚子御試封太孺人有司題請建坊旌表

張氏生員馮曰恒妻汲縣人庠生張默女年十八歲

夫亡子女俱無守節

李氏陰克弘妻汲縣人隴西知縣李守謙女年十七

歲夫亡子女俱無守節

克氏生員陰爾佑妻汲縣人年十九歲夫亡子女俱

無守節

謝氏生員李日煥妻汲縣人忻州學正謝祉女年二

衛輝府志 卷十四 二十一

十歲夫亡抱一弱女守節事翁姑尤極孝敬

高氏生員梁自得妻千戶所人年十九歲夫亡守節

養姑五十餘年

張氏劉心悟妻汲縣人歲貢生張麟女年二十六歲

夫七子女俱無守節

周氏生員李舒芳妻胙城人年二十五歲夫亡守節

萬曆二十八年有司以上聞旌表

王氏府庠廩生李經國妻李謹之母生員李中節之

祖母也甘貧守節年七十七歲 巡撫羅

具題准旌表建坊

張氏府庠生郭英之母守節撫孤俾克成立府縣扁表其門

張氏引禮劉文炫妻進士劉肇基之母于廿四歲喪夫矢志守節撫子肇基中 國朝丙戌進士

劉氏汲庠生員侯明藩妻知縣劉松女撫孤子寶三紡績甘貧供讀中 國朝戊子舉人知府鄭茂泰表其門曰矢栢九熊壽七十有四

高氏新鄉路僑妻僑故氏年十九水漿不入口柒日

衛輝府志

卷十四

二十二

衆以遺孤爲言乃持刀斷髮守志里閭稱之旌表

梁氏新鄉殷科妻二十八歲夫故遺腹有子家貧無依紡績以教讀書守節肆拾八年子時雍孫祚蕃俱以文學著有司以聞表其門

靳氏南山女淇縣人高步瀛妻二十六歲夫卒孝事舅姑撫養孤兒備歷艱辛誓無二志明知縣崔庚

國朝知縣柴望詳申嘉獎年七十四卒子騰輝孫明皓俱邑廩生

夏氏淇儒士張劉卿妻十九歲夫亡事六旬姑撫週

歲兒曲盡其力子詔補邑庠生卒七十一歲有司旌表其門

王氏獲嘉死節賀仲軾妻封恭人與其妾李氏張氏王氏見仲軾聞寇變欲死恭人同群姬慷慨赴義并縊于巨栢庄樓上邑人馮上賓以詩輓之曰臣節不綠草野晦坤維更覺女流惺真足爭光日月

郭氏獲嘉庚戌進士徐培植妻崇禎間遇寇亂避之裴村寇逼倉皇投河而死院道申請旌表

陳氏獲嘉生員馮上愛妻二十歲夫死矢志守節求衛輝府志

卷十四

二二

二二

任兆祐以嗣夫後妾郭氏感其義願與同守歷五十年不二第上賓憐其苦節遺命附葬兄穴焉岳氏獲嘉生員馮兆魁妻值流寇之變夫二子幼且翁上賓被執西安流離莫保氏多方謀迎歸里曲盡孝養翁每語人曰此婦爲吾教孫成立能持吾門戶依然吾子也邑人高其婦德

張氏獲嘉監生賀敏猷妻夫早卒無子翁殉國難賀氏之胤不絕如綫氏方畧自盡復念翁遺囑撫侄行素之子爲子備受辛苦力坐五喪教子遊泮慈孝兩

全一節不足以概之也  
李氏輝民陳力妻夫亡氏年二十三歲遺子陳王前  
方在襁褓矢志守節其貧績紡教子業儒爲府庠生  
道府旌表其門

